



2. ՈՍԿԵ ԶՈՒԿԸ

Ընում ա շինում ավալ ժամանակին՝ մի թագավոր: էս թագավորը հենց մի մինուճար տղա ա ունենում, էլ զադ չէ:

էս տղեն որ մենծանում ա, ընում ութ, իննը տարեկան՝ թագավորը տալիս ա սրան վարժատուն՝ կարդալու: Մի հինգ, վեց տարի էդ տղեն մնում ա վարժատանը, լավ ուսում առնում, խելք սովորում, վերջը լավ գիտուն մարդ դուս գալի, որ արար աշխարքումը սրա հատը գիտուն շինում:

Անց ա կենում մի տարի, էրկու տարի՝ էս թագավորի աչքերը մի դաֆիլ բռնվում ա, քոռանում:

Աշխարքումը էլ հեքիմ չի մնում բերում են՝ սրա աչքերին ճար, իլլաջ չիկում: Վերջը սալըղ են առնում, որ Զինումաչինա քաղաքումը մի լողմա հեքիմ կա. թե լավացնի՝ նա կլավացնի, էլ մարդ չէ:

Թագավորը մարդ ա դրկում Զինումաչինա քաղաքը, էն լողմա հեքիմին բերիլ տալի:

Լողմա հեքիմն ասում ա.— Թագավորն ապրած կենա, ինչքամ դեղ, դարման անեն՝ զուր ա. քու աչքերին ճար չիլնի: Մնում ա մի քան. թե 'որ էն ճարեցիք՝ կլավանա, թե չէ՝ հո՛ չէ: Մովի միջումը մի Ոսկե ձուկը կա. թե կարացիք բռնի բերի, որ մորթեմ՝ նրա արինը քսեմ աչքերիդ՝ կլավանա, թե չէ՝ էլ սաղանալու իլլաջ չկա:

Թագավորը էն սհաթը ջառ ա գոռալ տալի սաղ իրա երկրումը, որ ինչքամ թոռլի կան՝ քոմմա հավաքվեն ծովի զրաղը, թոռ քցեն։ Սաղ նրա երկրի թոռլիքը հավաքվում են, ծովը թոռ քցում։

Քցում են քցում, մի տարի, էրկու տարի, իրեք տարի, հինգ տարի, մախլասի տասը տարի՝ էն Ոսկե ձուկը շեն կարում հանի։ Վերջը մըն էլ որ թոռը քցում են քաշում, տենում են ի՞նչ՝ դուս էկավ մի ձո՛ւկը, մի ձո՛ւկը, էնքա՛մ սիրուն, էնքա՛մ նաշխուն, որ կասենաս հրեշտակ ըլնեք. կուզենայիր շուտես, լիմես՝ հենց նրա գյուղ-ջամալին թամաշ անես. էնքա՛մ մի սիրունիկ զագ էր՝

Թոռլիքը ուրախությունից աշխարով մին էլան, որ Թագավորի ուզած ձուկը հանեցին։ Համա դու արի տես՝ Թագավորի տղեն սե-վասարտել ա՝ տխրե, թե ո՞նց էս թավուր գյուղալ ձուկը պտի տա-նեն մորթեն, որ ինչ ա՝ հոր աչքերը լավանա։ Տղի զմիշը չի գալի, վեր ա ունում անսաս Ոսկե ձկանը էլ եդ քցում ծովը։

Թոռլիքը դառը-տխուր գալիս են Թագավորին նաղլ անում, թե.— Թագավորն ապրած կենա, մենք էս տասը տարի մեռանք չարչարվե՞լոն՝ անշախ կարացինք Ոսկե ձուկը կալնի, տղեդ էլ եդ քցեց ծովը։

Թագավորը էս որ լսում ա՝ կատաղում ա, հրամայում՝ որ էն սհաթը տղին իրա երկրիցը սուրգյուն անեն, քշեն, որ մին էլ նրա էրեսը չտենա։

Թագավորի հրամանն էր. ի՞նչ կարային անի. ճամփի հմար ինչ որ պետքն էր տվին ու տանից դուս արին։ Թագավորի տղեն ա՝ հացից-մացից լցրեց տոպրակը ու ճամփա ընկավ։

Գնաց ծովի զրաղովը անց կացավ, ձեն տվեց.— Ո՛սկե ձուկ, մնա՛ս բարով, ես գնացի։

էթում ա էթում, շատն ու քիչը աստոծ գիտա, մի աղբրի կշտի սրան մի Արաք ա ռաստ գալի։ Թագավորի տղեն ասում ա.— Բար՛աջողում, Արա՛ք աղպեր։

— Բարո՛վ, հազար բարին, Թագավորի ցեղ. էդ ո՞ւր էս էթում։

— Խեղճ մարդ եմ, էթում եմ Ստամբուլ՝ աշխատանքի. տենամ մի քանի շալի ձեռս կընկնի՞, թե չէ։

¹ Տպագիր տեքստում այս պարբերության վերջում բանահավաքը փոփոխություն է կատարել, դարձնելով. «...էնքա՛մ սիրուն, էնքա՛մ նաշխուն, որ քա-մաջ անելուց մառդ չէր կշտանում»։ Նույնությամբ թողնում ենք տեքստում տպա-դրվածը (Մ. Կ.)։

— Չե՞ս գա իրար հեննա աղպեր ընենք. ի՞նչ որ աշխատենք՝ հալալ աղպոր նման փայ անենք՝

— Հա՛վ,— ասեց թագավորի տղեն,— արի՛ ընենք. ինչքամ աշխատենք՝ կենն ինձ, կեսը քեզ։

Էս էրկսոպ աղպեր էլան, գնացին։ Գնացին, գնացին, շատն ու քիչը աստոծ գիտա, հասան Ստամբուլ քաղաքը։ (Ստամբուլը էդ վախտը Ուսումի թագավորի ձեռին էր¹)։ Հասն էրկսոպ մի օթախ քրահեցին՝ միջին կացան։ Թագավորի տղեն էթում էր բանելու, Արարը մնում էր տանը՝ կերակուր-մերակուր էփում, հազրում, որ աղպերը աշխատանքից գա՝ ուտեն։

Էդ վախտերը սալըղ-սուլուղ էր ընկե քաղաքը, թե թագավորի աղջկա լիզուն բռնվել ա՝ շի խոսում. ո՛վ կարենա խոսացնի, թագավորը իրա աղջիկը նրան կտա, վրեն էլ օխտը ղաթրաբոռ ոսկի։ Ո՛վ գնացել ա՝ շի կարացե խոսացնի, քոմմքի գլխներն էլ կտրիլ ա տվի։

Էս բանը որ ընկնում ա Արաբի անկաջը՝ միտք ա անում, որ էթա փորձի, բալթի կարենա թագավորի աղջկանը խոսացնի։ Ու մի օր էլ, որ աղպերը առավոտը էթում ա իրա բանին, ինքն էլ նրանից թաքուն, վեր ա կենում էթում թագավորի խնամաքարի վրա նստում։

Թագավորը հարցնում ա.— Ա՛յ հողածին, խի՞ ես էկե։

— Թագավորն ապրած կենա, էկել եմ աղջկանդ խոսացնեմ։

— Էսքամ մարդիկ էկել են՝ ի՞նչ են շաթե, որ դու ինչ շաթես։ Գնա՛, ո՛րդի, մեղք ես, ջահել-ջիվան ես. գնա՛ արևիդ ձենն ածա։

— Չէ՛, թագավորն ապրած կենա, ես իմ թքածը չեմ լիզի, պտի խոսացնեմ. թե չկարացի՝ արինս քեզ հալալ ա։

— Հա՛վ,— ասում ա թագավորը,— որ ինձ չես լսում՝ մեղքն ու վարձքը քու շլինքը, արի՛. համա աղաքուց պտի իմանաս, որ շարթը իրեք հետ ա, աղջկանս իրեք հետ պտի խոսացնես։

— Հա՛վ, թո՛ղ իրեք հետ ըլնի,— ասեց Արարը,— ղա՛րուլ եմ։

Արարը գնաց դուզ նի մտավ թագավորի աղջկա օթախը. տեհավ ի՞նչ՝ մի հուրի-մալաք աղջիկ, որ չուտես, չխմես՝ հենց նրա գլու-ջամալին թամաշ անես. նստել ա քարգա ա անում, համա որ

¹ Փակագծում դրված ծանոթությունը ասացողինն էլ Ուսումը՝ Հոռոմ բառն է հնչյունափոխված, որ նշանակում է Բյուզանդիա, բյուզանացի (Մ. Կ.)։

ասես ձեն, ծպտոն չի հանում: Արաբը դե՛ս մտիկ արեց, դե՛ն մտիկ արեց՝ աչքովը զար շընկավ, մի ժանգոտած շամադանից սավալի: Գնաց, էդ ժանգոտած շամադանը բերեց դրեց աղաքը, հեննեն խոսաց:

— Բարո՛վ,— ասեց,— շամադան աղպե՛ր. քե՛ֆդ, հա՛լդ: Շատ Վախտ ա իրար շենք տեհե. ըսկի ի՞նչ թազա խաբար:

— Աստո՛ւ բարին, Ա՛րաբ աղպեր. փա՛ռք աստու, լավ եմ. դու ո՞նց ես: Ի՞նչ թազա խաբար պտի ըլնի. դո՛ւ ես դոնիցը գալիս, թազա խաբարը ի՛նձ ես հարցնում: Ես ըսկի դուս գա՛լիս եմ, որ իմանամ աշխարհումը ի՞նչ ա ըլնում, ինչ՝ չէ. հենց էս ա տարենտասնէրկու ամիս ըստե վեր ընկած եմ:

— Բաս ըսկի, շամադան աղպեր. հեքաթից-մեքաթից շե՛ս իմանում՝ ասես, անկաջ դենք:

— Զէ՛, Ա՛րաբ աղպեր, ես հեքաթ՝ չեմ գիտա, թե դու գիտաս, ասա՛:

— Լա՛վ, կասեմ. համա պտի լա՛վ անկաջ դենս, հա՛:

— Ասա՛, անկաջ կանեմ:

Արաբն ասում ա.— Կըլնի, չիլնի մի մարդ: Էս մարդն ունենում ա էրկու տղա՝ մինը պսակված, մեկելը չէ: Զատիկի իրա օրը էդ պսակված տղի կնիկը մարդի հեննա էթում ա հերանց գեղը, ընդե մի քանի օր մնում: Զատիկը որ անց ա կենում, էս ազապ աղպերը վեր ա կենում գալի՝ հարսին բերի: Աղպերն ասում ա. «Դու կնկանս վե կալ զնա՛, ես էլ հրես եղևներիցդ գալիս եմ»: Էս ազապ աղպերն ա՝ հարսին նի՛լցնում ա ձին, ինքն էլ աղաք ընկնում, գալի: Գալիս են գալիս, շատն ու քիչն աստոծ գիտա, մի զուլալ աղբրի ռաստ են գալի: Էս տղեն ասում ա. «Հա՛րսի, կա՛ց էս աղբրումը մի պուճուր լեղանամ, էլ եդ էթանք»: Զին կաննացնում ա, շորերը հանում, լեղանում: Որդիան որ էր՝ էն դհիցը աղպերը գալիս ա, տենում՝ իրա աղպերը լեղացել ա, հրեն շորերն ա հագնում: Մտքովը ուրիշ բան ա անց կենում. գալիս ա թուրը հանում՝ աղպորը վրա քշում, որ սրպանի: Նա սրա՛ն ա տալի, սա նրա՛ն՝ էրկու աղպեր տալիս են իրար զլուփ թոցնում: Խեղճ կնիկը մնում ա գլխի վրեն մոլորած. չի իմանում ի՞նչ անի. չի իմանում

¹ Տպագիր տեքստում նախորդում է՝ էս. որը բանահավաքի ձեռքով չընդված է (Մ. Կ.):

ո՞րն ա իրա տեքոր ջամդաքը, ո՞րը՝ մարդիներ: Վեր ա ունում մարդի գլուխը տեքոր ջամդաքի վրա ա դնում, տեքոր գլուխը՝ մարդի ջամդաքի վրա: Նստում ա ընդե ասսուն էնքամ աղոթք անում, լաց ըլնում, որ աստոծ լսում ա սրա աղոթքը՝ էս էրկսին էլ ֆոգի ա տալի, սաղացնում: Էրկու աղպեր հմի էլի կուիվ, դալմադալ են անում. մի՛նն ասում ա. «էս իմ կնիկն ա», մեկին ասում ա. «Զէ՛, իմ կնիկն ա»: Թագավորն ապրած կենա, կնիկը հմի ո՞րին կհասնի:

Թագավորն ասում ա.— Հալրա՛թ որ, մարդի գլուխը ո՞ր ջամդաքի վրա էլ ա՝ նրան կհասնի:

Ննա թագավորի նաղիր-վեզիրն ա հարցնում.— Նաղի՛ր-վեզիր. կնիկը ո՞րին կհասնի՝:

— Հալրա՛թ որ, մարդի գլուխը ո՞ր ջամդաքի վրա ա՝ նրան կհասնի:

Թագավորի աղջիկը էլ չի կարում իրան պահի, ընդիան ձեն ա տալի.— Ա՛յ ձեր դատաստանը քանդվի. խի՞ կնիկը էն ջամդաքին կհասնի, որ ջամդաքի վրա որ մարդի գլուխն ա. հաղի՛ր էն ջամդաքին կհասնի՝ ո՞ր ջամդաքի վրա որ տեքոր գլուխն ա: Ինչ անենք, որ գլուխը մարդին չի. սաղ ջամդաքը հո՞ մարդին ա:

— Թե որ էն կնիկը նրան կհասնի,— ասում ա Արարը,— բա՛ս դու էլ ինձ կհասնես:

Թագավորը, նրա նաղիր-վեզիրը քոմմա մնացին սառած, թե ո՞նց խոսացրեց աղջկանը:

— Էս մի հետը խոսացրիր,— ասեց Թագավորը,— մնաց էրկու հետ, թե որ էս էրկու հետն էլ խոսացրիր, հո ի՛նչ որ խոստացել եմ՝ կտամ. թե չէ՝ իմաց կաց գլուխդ կֆը՛ռու:

— Լա՛վ, Թագավորն ապրած կենա, թո՛ղ ըտենց ըլնի,— ասում ա Արարը:

Արարն էթում ա տուն. կերակրից, դադից էփում, հազիր անում, որ աղպերը գա՝ հաց ուտեն: Աղպերը որ գալիս ա տուն, Արարը, որ ասես՝ նրան բան չի ասում, թե գնացել էր Թագավորի աղջկանը խոսացնելու:

Առավոտը որ լիսանում ա, աղպերն էթում ա իրա բանին՝

¹ Ասացողը վրիպել է. սկզբում հայտնում է, որ Արարը մենակ է մտնում Թագավորի աղջկա օթախը, մինչդեռ այստեղ պարզվում է, որ ներկա են նաև Թագավորն ու իրեն նաղիր-վեզիրը (Մ. Կ.):

Արաբն էլ վեր ա կենում դուզ էթում թագավորի խնամաքարի վրանստում: Թագավորը էն սհաթը դուս ա գալի, Արաբին կանչում, տանում աղջկա օթախը:

Արաբը օթախի մեջը դե՛ս ա ման գալի, դե՛ն ա ման գալի՝ տենում ա էն ժանգոտ շամադանը չկա. դու մի ասի թագավորի ա՛ղջիկն ա դաստի վեր ունիլ տվե, որ Արաբը գա՛ հեննեն խոսալու էլ զադ չգտնի: էթում ա օթախները ման գալի՝ մի ժանգոտ, քնձոտ թուր ա գտնում, բերում դնում աղաքը, հեննեն խոսում:

— Բարո՛ւ, ժանգոտ թուր աղպեր. էս քանի տարի ա իրար չենք տեսե. ըսկի չես ասում՝ իմ Արաբ աղպերն էս ո՞ւր ա, չի էրևում:

— Բա՛րին արևդ, Արաբ աղպեր: Ի՛նչ անեմ, ամեն մարդ իրա դարդովն ա մոլորե, ես էլ իմ դարդովը: Աղաք ես ի՛նչ թավուր լավ թուր ի. թագավորը ինձ վրեն էր կապում, էթում կոխիլ. կըռվումը ով գիտա քա՛նի գլուխ մի դըրբումն ի թոցնում: Համա հմի թագավորը էլ ինձ մտիկ չի անում. ժանգոտել եմ՝ էլե ղոռադա գադ. ըսկի էրեսիս թամաշ անող չկա:

— Բա՛ն չկա, թուր աղպեր. աստոծ ողորմած ա: Դու էն ասա՛, հեքաթից, մասալից չե՞ս գիտա, ասես՝ անկաշ դնենք, օր մթնացնենք:

— Չէ՛, Ա՛րաբ աղպեր, ես զադ չեմ գիտա, թե էդ թավուր հունար ունես՝ ասա՛, հազիր պարապ եմ, անկաշ դնեմ:

— Լա՛ւ, կասեմ. համա պտի լա՛ւ անկաշ դնես, հա՛:

— Ասա՛, անկաշ կդնեմ:

Արաբն ասում ա.— Ըլնում ա չիլնում մի խառադ, մի դերձիկ, մըն էլ մի տերտեր: Սրանք իրեքով աղպեր են դառնում, վե կենում էթում դարբություն՝ աշխատանքի: էթում են էթում, շատն ու քիչն աստոծ գիտա, մի մեշի ղրաղի՝ մութը վրա ա հասնում: Ըստե վեր են գալի, որ գշերը մնան՝ առավոտը էլ եդ էթան իրանց ճամփեն: Չունքի հենները բո՛ւլ փող ին վե կալե՝ ասում են. «էկե՛ք գշերը դորեդոր դարավուլ քաշենք, որ մեզ հարամի, զադ չմոտանա»:

«Լա՛ւ, — ասում ա խառադը, — էդ շա՛տ լավ կրլնի: Ուզո՞ւմ եք, հենց իրիկնեց ե՛ս դարավուլ կքաշեմ. եննա մի քիչ կկենամ, դերձիկն կզարթացնեմ՝ ես կքնեմ. լիսադեմին նա էլ թող տերտերին վե կացնի»:

Բիրադնով էլ ռազի են ըլնում ու աղաք խառադն ա դարավուլ քաշում: Համա ըս էլ պտի ասեմ, որ էս խառադը շա՛տ

գլուխ ուստա ա ընում. որ սաղ աշխարհումը սրա հատը ուստա չէր ընի: էս մեր խառաղն ա՝ ուրազը մեջքն ա խրում, դարավուլ քաշում, ընկերտիքն էլ քնում են: էդ գշեր էլ սատանական է՛ն թավուր ցուրտ էր, է՛ն թավուր ցուրտ, որ իմ միս կտրողին ռաստ չգա: Խեղճ խառաղը ցրտու զընգըռ-զընգըռ դողում էր. չէր իմանում ինչ տնի: Վերջը ասեց. «Արի՛ մի իշկիլ սարքեմ, եննա պառկեմ քնեմ. ո՞վ կիմանա, թե ես քնել եմ»: էթում ա մեշեն, լավ-լավ շամի փետեր կտրտում, բերում էնթավուր մի փետե իսան շինում, որ գշերը մարդ տենար՝ կասեր. «էն ի՞նչ մարդ ա ընդե կաննած», էնքամ մարդի նման էր: Ըսենց շինում ա, դիք կաննացնում, ինքը պառկում քնում: Քնում ա, քունն առնում, եննա գիշերվա մի վախտ դարթնում ա, դերձիկի կողքին բռթում. «Դե՛րձիկ աղպեր, վե կաց. քու դորն ա. դարավուլ քաշա՛: Ասում ա՝ ինքը քնում: Դերձիկը վեր ա կենում, տենում ի՛նչ՝ մի մարդ ընդե դիք կաննած ա. ոնչ ժաժ ա գալի, ոնչ էլ էն՝. ինքն իրան ասում ա. «Արի՛ որ սա գող ըլնի՞:» էլ ձեն, ծպտոն շի հանում. կամաց-կամաց մոտանում ա, թուրը քաշում՝ տալի վե քցում: Թրի ծերովը դե՛ս, դե՛ն ա բռթում, տենում ա որ դորթմանց իսան շի՝ փետից ա շինած: Նոր զլնի ա ընկնում, որ էս խառաղի սատանությունը կըլնի: Ինքն իրան ասում ա. «Բա՛ ես էլ չկարենա՞մ խառաղին մի ֆանդ գա: էթում ա մեշեն, ծառի լեն տերեներ պոկոտում, բերում էս փետե մարդի հմար մի ձեռք շոր ա կարում¹, հագցնում: Էս հետ որ տենայիր, իսանից չէիր ջոկի. կասեիր՝ դորթմա՛նց որ մարդ ա: Լիսադեմին վեր ա կենում, տերտերին բռթում. «Տերտե՛ր, տերտե՛ր, վե՛ կաց. դորը քունն ա. մի քիչ էլ ե՛ս աչքս կպցնեմ»: Տերտերը վեր ա կենում, տենում ի՛նչ՝ մի երկեն մարդ, շորերը սիրուն հագին՝ ընդե կաննած: Թուքը-մուքը կաշում ա. մոտանում ա ձեն տալի. «Ո՞վ ես, ո՞վ ես, ո՞վ ես»². ձեն շի տալի: Տանում ա բերում, որ մի դերք շի տալի՝ էրեսհարքի վրա փռվում ա, վեր ընկնում: Նո՛ր վաթավուրդ ա անում, որ փետե մարդ ա. նո՛ր որ սիրտը մի քիչ հանդարտում ա: Իմանում ա որ խառաղի ու դերձիկի սատանու-

¹ Տպագիր տեքստում բացակայում է, հավանաբար վրիպված է. ուղղումը բանահավաքին է (Մ. Կ.):

² Տպագիր տեքստում նախորդում է՝ կտում, բանահավաքը հանել է (Մ. Կ.):

³ Վերջին եռ՝վ ես» արտահայտությունը բանահավաքը հանել է. թողնում ձեք ախպես, ինչպես տպագիր տեքստումն է (Մ. Կ.):

թյունն ա: «Ա՛յ հարա՛յ,— ասում ա,— նրանք էնքամ էլան՝ էսթա-
վուր իսան շինեցին. բա՛ ես էլ չկարե՛նամ սրան ֆոգի տա, որ էս-
քամ սուրբ տերութիւն եմ»: Էս մեր տերտերն ա՛ էն ցուրտ զիամաթին
չոքում ա՛ ասսուն աղոթք անում, աղոթք անում. էնքա՛մ աղոթք ա
անում, որ աստոծ լսում ա նրա ձենը՝ էս փետե մարդին ֆոգի ա
տալի: Ըննում ա զորթմանց մարդ, հեննեքը խոսում, զրից անում,
մախլասի՝ թամամ մարդ: Դու արի տես հմի էս իրեքով իրար՝
հեննա զալմաղալ են քցում. խառաղն ասում ա. «էս մարդը ինձ
կհասնի, չունքի ես գնացի մեշիցը փետ կտրեցի, բերի շինեցի»:
Դերձիկն ասում ա. «Զէ՛, ինձ կհասնի. չունքի ե՛ս նրա հմար
չոր կարեցի՛ հագցրի. թե չէ հմի ցրտու դի՛ք չորացել էր»: Տեր-
տերն էլ ասում ա. «Հազի՛ր ինձ կհասնի. ես որ չըղբի, ասսուն
աղոթք չաննի, նրան ո՛վ ֆոգի կտար. դարդակ փետե մարդը որ
ֆոգի չունենար՝ ընչի՛ էր պետք»: Թագավորն ապրած կենա. հմի
էն մարդը ո՞րին կհասնի:

— Հալբա՛թ որ խառաղին. որ քոմմքից աղաք նա միտք
տրեց, բերեց փետից մարդ շինեց:

— Նազիր-վեզիր, ո՛ւմ կհասնի:

— Հալբա՛թ որ դերձիկն. որ նրա հմար շորեր կարեց՝ ցրտից
պրծացրեց:

Թագավորի աղջկա սիրտը էլ չի դիմանում, էն դհիցը ձեն ա
տալի.— Տո՛ ձեր դատաստանը քանդլի, ո՞րդիան նրանց կհասնի.
տերտերը որ չընեն, էն փետե մարդին ո՛վ ֆոգի տալ կտար,
հազի՛ր տերտերին կհասնի՞:

— Թե որ նա տերտերին կհասնի,— ասում ա Արաբը,— բա՛ս
դու էլ ի՛նձ կհասնես:

Թագավորը, նրա նազիր-վեզիրը էլի մնում են զարմացած,
թե ո՞նց Արաբը էս էրկու հետ աղջկանը խոսացրեց:

— Մնա՛ց մի հետ,— ասում ա թագավորը,— թե խոսացրիր,
հո խոսացրի՛ր՝ աղջիկս քունն ա. թե չէ՝ գլուխդ պտի ֆը՛ռռա:

— Լա՛վ, թագավորն ապրած կենա,— ասում ա Արաբը,—
թո՛ղ ըտենց ընի:

Արաբը գալիս ա տուն, աղպոր հմար կերակուր հազրում:
Հացի վախտը աղպերը գալիս ա՛ հաց են ուտում: Համա դեռ ըն-
չանք հմի նրան զադ չի ասում:

Առավոտը աղպերը որ էթում ա իրա բանին, Արաբն էլ վեր ա կենում գալի թագավորի խնամաքարի վրա նստում:

Թագավորը դուռ ա դալի, Արաբին կանչում՝ տանում աղջկա օթախը:

Արարը օթախի մեջը դե՛սն ա մտիկ տալի, դե՛նն ա մտիկ տալի՝ տենում օթախը լափ դարտակ ա. ըսկի զադ չկա, որ բերի հեննեն խոսա: էթում ա թագավորի աղջկա քարգահը բերում դնում աղաքը՝ հեննեն զրից անում:

— Ախար բարո՛վ, քարգա աղպե՛ր, բո՞ւ չի բանես, մի քիչ էլ դինջացի, մե՛ղք ես:

— Է՛հ, ինչ դինջանամ, Արար աղպեր. տարեն-տասնէրկու ամիս իմ բան ու փեշակը հա՛ էս ա, հա՛ էս, հո նոր չի:

— Կա՛վ. բաս մի հեքաթ, բան չե՞ս գիտա, ասես՝ անկաջ դենն:

— Չէ՛, Ա՛րար աղպեր. ես ի՞նչ հեքաթ իմանամ. թե դու գիտաս՝ ասա:

— Կա՛վ, ուզում ես՝ ասեմ. համա պտի լա՛վ՝ անկաջ դենս, հա՛:

— Ասա՛, անկաջ կդնեմ. ասա՛, տենանք:

Արաբն ասում ա.— Ըլնում ա չիլնում մի թագավոր. էս թագավորը մի հուրի-մալաք, սիրուն աղջիկ ա ունենում: Էս աղջկանը հա՛մ թագավորի նազրի տղեն ա սիրած ըլնում, հա՛մ վեղրի տղեն, հա՛մ էլ նրա սինոթապետի տղեն: Հմի թագավորը չի իմանում՝ ո՞րին տա: Համա ըս էլ պտի ասեմ, որ նրա աղջկանը քոմմքից աղաք վեղրի տղեն էր սիրե: Թագավորն ապրած կենա, քու խելքով աղջիկը ո՞րին կհասնի:

— Հալըա՛թ որ թագավորի սինոթապետի տղին,— ասում ա թագավորը:

— Նազի՛ր-վեզի՛ր, աղջիկը ո՞ւմ կհասնի:

— Հալըա՛թ որ թագավորի սինոթապետի տղին:

Թագավորի աղջիկը էս հետ էլ չի դիմանում, ընդիան ձեն ա տալի.— Տո՛ ձեր դատաստանը քանդվի. աղջիկը խի՞ պտի սինոթապետի տղին հասնի. հազի՛ր վեզրի տղին կհասնի, որ քոմմքից աղաք իրար հեննա խոսք ու զրից են ունեցե, իրար սիրե:

— Որ նա նրա՛ն կհասնի,— ասում ա Արաբը,— բա՛ս դու էլ ի՛նձ կհասնես:

Թագավորը էլ ի՛նչ պտի ասեր, որ աղջկանը շտար. ըս էլ իրեք հետ խոսացրեց: Բերում ա աղջիկը տալի Արաբին, վրեն էլ օխտը ղաթրաբեռ ոսկի:

Արաբը աղջիկը վեր ա ունում՝ գալի տուն, աղպոր հմար կե-րակուր էփում, հազիր անում: Աղպերը որ գալիս ա տուն, աղջկա-նը տենում՝ մնում ա զարմացած:

Հարցնում ա.— Արա՛բ աղպեր, էս աղջիկը ո՞րդիան ա:

Նո՛ր Արաբն ասում ա.— Բա՛ շես ասի, ըսե՛նց, ըսե՛նց, ըսե՛նց՝ բան,—ո՛նց որ ես ձեզ նաղլ արի, Արաբն էլ նրան նաղլ ա անում:

Արաբն ասում ա.— Թագավորի ցեղն ապրած կենա, բո՛լ ա ինչքամ աշխատանք արինք. արի՛ ըստիան վե կենանք էթանք: Փա՛ռք աստու, հմի էլ հո՛ քյասիբ շենք. Թագավորի տված օխտը ղաթրաբեռ ո՛սկին սաղ ըլնի:

Էրկսով իրանց զադ-մազը հավաքում են՝ ճամփա ընկնում: Գալիս են գալի, շատ ու քիչն աստոծ գիտա, հասնում են էն աղբրի կուշտը. որդե աղաք աղպեր ին դառե: Ըստե բռնեբը վեր են դնում, նստում հաց ուտում:

Հաց են ուտում՝ պրծնում, Արաբն ասում ա.— Է՛, Թագավորի ցեղ, դե՛ արի մեր աշխատանքը փայ անենք. ո՛նց որ ըստե աղ-պերացանք, ընենց էլ հմի բաժանվենք:

— Ա՛յ ջանը՛մ, գյոզը՛մ, խի՞ բաժանվենք,— ասում ա Թագա-վորի տղեն,— հազիր աղպեր ենք, էլի՞. կէթանք իրար հեննա էլի՞ մի տեղ կկենանք:

— Զէ՛,— ասում ա Արաբը,— պտի բաժանվե՛նք, որ պտի բաժանվենք:

Ինչքամ փող ին աշխատե՛ բերում ա Արաբը հալա՛լ կես անում. մնում ա աղջիկը: Թուրը քաշում ա, որ աղջկանն էլ կես անի:

— Ա՛յ աղպեր,— ասում ա Թագավորի տղեն,— էլ աղջկանը խի՞ ես կես անում. էդ աղջիկը քունն ա ու քունը, դրանից ես փայ շեմ ուզում, էլի՞:

— Զէ՛ որ շէ՛,— ասում ա Արաբը,— պտի էս աղջկանն էլ կես անեմ. թե փայ ենք անում՝ հա՛լալ փայ անենք:

Թուրը քաշում ա որ տա՛ էն սհաթը աղջկա բերնիցը մի եքա վիշապ ա դուս գալի, ընդե վեր ընկնում: Արաբը աղջկանը էլ ձեռ լի տալի. հասնում ա վիշապին սըպանում, կտոր-կտոր անում:

— Ինձ ճանաչու՞մ ես, — ասում ա Արաբը, — Թագավո՛րի ցեղ. ես էն Ոսկե ձուկն եմ, որ շղթմշեցիր մորթես, որ ինչ ա՛ հորդ աչքերը լավանա, էլ եդ քցեցիր ծովը: Իմ խաթեր՝ հերդ քեզ սուրգ-յուն արեց, տանիցը դու ա րեց: Էս որ իմացա, ես էլ ծովի միջիցը դու եկա, էլա Արաբ, որ քու արած լավությունի տակիցը դուզամ, ձեռիցս էկած լավությունն էլ ե՛ս քեզ անեմ: Հրես ա՛ռ. էս-քա՛մ փողն էլ քեզ, է՛ս աղջիկն էլ քեզ. ես էս ա էթում եմ էլ եդ ծովը. աստոժ շնորհավո՛ր անի. աստոժ էրկսիդ մի բա՛րձի ծե-րացնի: Իմ փարիցն էլ քեզ մի հատ կտամ, տար հորդ աչքերին քսա՛ էն սհաթը կրացվի:

Արաբը էն սհաթը ընձում ա էլի աղաքվա Ոսկե ձուկը: Իրա փարիցը մի հատ պոկում ա՛ տալի Թագավորի տղին, մնաս բա-րով անում հեննեն, էթում ընկնում էլ եդ ծովը:

Թագավորի տղեն բռնեբը կապում ա, ընկնում ճամփա՝ դպա-իրանց երկիրը: Գալիս ա գալի, շատն ու քիչն աստոժ գիտա, հաս-նում ա հոր քաղաքը: Տենում ա, որ դեռ հլա էն լողմա հեքիմը հոր աչքերի վրա շարշարվում ա: Էն սհաթը հանում ա Ոսկե ձկան փարեն, քսում հոր աչքերին թե չէ՝ ա՛լբիալը բացվում ա:

Թագավորը իրա Թախտիցը վեր ա գալի, տղին նստացնում: Բերում ա աղջկանն էլ տղի հետ պսակում՝ օ՛խտն օր, օ՛խտը զշեք հարսանիք անում:

Նրանք հասան իրանց մուրաղին, դուք էլ հասնեք ձեր մու-րաղին:

